

REGULAMENTO DE LICENZAS DA FEDERACIÓN GALEGA DE LOITA e DISCIPLINAS ASOCIADAS



REGULAMENTO DE LICENZAS DA FEDERACIÓN GALEGA de LOITA e D. A.

Artigo 1.- Obxecto e ámbito de aplicación.

- 1.- O presente regulamento de licenzas é unha norma interna da Federación Galega de LOITA e D. A., co rango de regulamento, xerarquicamente subordinado aos Estatutos da mesma, expresamente contemplado no artigo 5.1. h) da Lei 3/2012 do Deporte de Galicia, do 2 de abril.
- 2.- O ámbito obxectivo e subxectivo de aplicación desta norma contráese á actividade propia da Federación Galega de LOITA e D. A. e ás persoas integradas ou que desexan integrarse na mesma.
- 3.- Esta norma ten por obxecto a regulación das licenzas da Federación Galega de LOITA e D. A.
- 4.- Esta norma estará en vigor desde a tempada 2021/22 inclusive, en tanto non sexa modificada ou derogada por outra posterior.

Artigo 2.- Natureza, efectos e finalidade das licenzas

- 1.- A licenza federativa é o documento de carácter persoal e intransferible que outorga aos seus titulares a condición de membros da Federación Galega de LOITA e D. A. a través dos distintos estamentos.
- 2.- A obtención da licenza federativa comportará para o seu titular a aplicación dos seguintes dereitos e deberes previstos nos Estatutos federativos para os membros dos correspondentes estamentos:

A integración na FEDERACIÓN producirase mediante a expedición por parte desta da correspondente licenza Federativa ou documento de afiliación ou inscrición. Dita expedición será acordada pola Xunta Directiva. Contra a denegación, que deberá ser motivada, caberá recurso ante a Asemblea Xeral.

- 3.- Para a participación en actividades ou competicións oficiais da Federación Galega de LOITA e D. A. precísase estar en posesión de licenza federativa expedida por esta.
- 4.- Así mesmo, as licenzas expedidas pola Federación Galega de LOITA e D. A. habilitarán aos seus titulares para participar en competicións oficiais de ámbito territorial superior nos casos e condicións que estableza a correspondente normativa da Federación Española de LUCHAS OLÍMPICAS y D. A.¹

Artigo 3.- Clases de licenzas polo seu obxecto

No seno da Federación Galega de LOITA e D. A. existirán as seguintes licenzas en función do seu obxecto:

¹ Non aplicable no caso dunha federación autonómica desintegrada da respectiva Federación Española..



- a) Licenzas de carácter competitivo: son as que habilitan para participar en competicións oficiais. A súa vez, divídense en:
- i. **Autonómica**²: aquelas que única e exclusivamente habilitan para participar en competicións oficiais da Federación Galega de LOITA e D. A.
 - ii. **Única nacional**³: aquelas que habilitan para participar en competicións oficiais da Federación Galega de LOITA e D. A. e, ademais, nas competicións de ámbito territorial superior conforme a normativa federativa correspondente.
- b) Calquera outro tipo de licenzas aprobadas pola Asemblea Xeral da Federación⁴

Artigo 4.- Clases de licenzas por estamentos

1.- As licenzas federativas poderán corresponder aos seguintes estamentos:

- a) Entidades deportivas⁵
- b) Deportistas.
- c) Adestradores-técnicos.
- d) Xuíces-árbitros
- e)⁶

2.- Non existirá incompatibilidade entre a tramitación de licenzas, de diferentes estamentos a través de diferentes Clubs. Cada suxeito, poderá ter licenzas de diferentes estamentos, por varios clubs. Non poderá ter unha licenza de un estamento, por dous o mais clubs.

Artigo 5.- Prohibicións e incompatibilidades

1.- Non poderá emitirse licenza a quen estea cumprindo calquera sanción disciplinaria ou penal de privación de licenza ou inhabilitación para o desempeño das actividades que permita a licenza solicitada, así como aos sancionados por dopaxe en virtude do disposto pola súa lexislación específica. Os sancionados con suspensión de licenza poderán renovar ou obter nova licenza en calquera momento, sen prexuízo de non poder desenvolver as actividades en cuestión ata o cumprimento da sanción correspondente.

2.- Non se emitirá licenza a persoa algunha que teña licenza federativa en vigor por outra federación autonómica de LOITA e D. A. ou pola federación doutro Estado da mesma modalidade.

² Ou a denominación que corresponda na Federación, se existe esta distinción.

³ Ou a denominación que corresponda na Federación, se existe esta distinción.

⁴ Conforme ó art. 28.5, parágrafo segundo, da Lei 3/2012 do Deporte de Galicia, “No seu ámbito de actuación, as federacións deportivas galegas poderán establecer licenzas de carácter competitivo e recreativo, así como calquera outro tipo de licenza debidamente aprobada.”

⁵ Dependendo de cada Federación poderán existir unicamente licenzas de persoas físicas ou tamén licenzas de entidades deportivas (clubs seccionales deportivas).

⁶ Outros estamentos suxeitos por licenza contemplados nos Estatutos, se fose o caso.



3.- Non existe limitacións á posesión de licenzas por dúas ou máis especialidades existentes na Federación correspondente.

Artigo 6.- Estranxeiros

1.- Poderán obter licenza os estranxeiros non comunitarios con residencia legal en España.

2.- Tratándose de menores de idade, sen prexuízo do cumprimento dos requisitos que en cada momento poida establecer a Federación Internacional de Loitas Olímpicas e D. A. para a protección dos menores, bastará coa acreditación do seu empadramento nun municipio do Estado dentro dos tres meses anteriores á solicitude.

Artigo 7.- Duración

1.- As licenzas expirarán coa finalización da tempada deportiva da modalidade ou especialidade dentro da que foron expedidas, é dicir, a renovación será a partir do 1 de Outubro de cada ano.

2.- Poderanse renovar lo longo da tempada, que vai do 1 de Outubro ata o 30 de Setembro do ano seguinte.

A duración da vixencia das licenzas serán:

- a) Ordinaria: son aquelas que se expiden polo que reste de tempada deportiva.

Artigo 8.- Licenzas de entidades deportivas

Poderán obter licenza de entidade deportiva aqueles clubs ou seccións deportivas debidamente rexistrados para a práctica de todas as modalidades da Federación Galega de Loita e D. A. no Rexistro de Entidades Deportivas da Xunta de Galicia.

A obtención da licenza de club, ven estipulada nos requisitos de alta de novos Clubs.

Artigo 9.- Licenzas de deportistas

1.- Adscrición: Os deportistas para dispoñer de licenza, teñen que vincularse a unha entidade deportiva. A figura de deportistas “independentes”, estará vinculada as actividades puntuais.

2.- Para cambiarse de Club, os deportistas teñen que agardar a finalización da tempada, e tramitar a súa licenza o 1 de Outubro, polo novo club. En todo caso, o cambio de Club, nunha mesma tempada, virá precedido do acordo entre o deportistas, ambos clubs e a propia Federación.

3.- As licenzas de deportistas divídense nas seguintes categorías de idade:

As existentes na modalidade

- a) Prebenxamín:
- b) Benxamín:
- c) Alevín:



- d) Infantil:
- e) Cadete:
- f) Júnior:
- h) Sénior/Absoluto

4.- A duración das licenzas ou o vínculo co club.

A temporalidade das licenzas van do 1 de Outubro o 30 de Setembro do ano seguinte.

5. Requisitos esixidos para obtención de licenza de deportista

- Cumprimentar a solicitude de licenza. E os permisos da LOPD.
- Presentar unha foto recente dixitalizada.
- Presentar copia do DNI, se o ten.
- Facer o pago do importe correspondente.
- Estar o corrente cos pagos, coa Federación Galega de Loita e D.A.

Artigo 10.- Licenzas de adestradores-técnicos⁷

1. O requisito mínimo de titulación para a única clase de adestrador-técnico existente na modalidade, será a de estar en POSESIÓN do título de ADESTRADOR NACIONAL da modalidade para a que se solicita a licenza.
2. Excepcionalmente poderanse tramitar licenzas de técnicos, con titulacións autonómicas.

Artigo 11.- Licenzas de xuíces-árbitros⁸

O requisito de titulación para a única clase de xuíz-árbitro existente na modalidade, así como outros requisitos esixidos, será a de ter o recoñecemento de:

- Árbitro Internacional pola UWW.
- Árbitro Nacional pola FELODA.
- Árbitro Autonómico pola FEGALOITA.

Artigo 12.- Licenzas de delegados⁹

Poderán obter licenza de delegados aquelas persoas que participen activamente nos Clubs, desenvolvendo as funcións encomendadas os/as delegados/as.

Artigo 13.- Aseguramento de accidentes deportivos

⁷ Denominación que corresponda conforme ós Estatutos da federación.

⁸ Denominación que corresponda conforme ós Estatutos da federación.

⁹ Outros estamentos previstos, se é o caso, nos Estatutos (delegados, directivos, médicos, preparadores físicos...). No caso contrario, suprimir e enumerar artigos posteriores.



1.- A expedición de calquera licenza federativa conleva a obriga de subscribir un seguro que garanta o establecido no Real Decreto 849/1993, do 4 de xuño.

2.- Devandito seguro será subscrito pola Federación Galega de LOITA e D. A. en condición de tomador, sendo o titular da licenza o asegurado.

Artigo 14.- Recoñecemento médico previo.

1.- Para a expedición de licenza de deportista NON se esíxese o sometemento a un recoñecemento médico que determine a inexistencia de contraindicacións para a práctica das modalidades da Federación Galega de Loita e D. A.

Artigo 15.- Función de expedición de licenzas.

1.- A Federación Galega de LOITA e D. A., na súa condición de delegada no exercicio desta función pública de carácter administrativo, é competente, en réxime de exclusividade, para emitir e tramitar licenzas federativas das modalidades recoñecidas na Comunidade Autónoma de Galicia, baixo a tutela da Administración deportiva autonómica.

2.- A Federación Galega de LOITA e D. A. exercerá a función de expedición de licenzas federativas de forma directa, sen que esta poida ser obxecto de delegación ou substitución algunha sen autorización da Administración deportiva autonómica.

3.- A expedición de licenzas federativas ten carácter regrado, non podendo denegarse a súa expedición a canto solicitante reúna as condicións necesarias para a súa obtención.

4.- A Federación Galega de LOITA e D. A. informará a calquera interesado sobre os requisitos necesarios para a obtención dos seus distintos tipos de licenzas.

Artigo 16.- Tramitación e emisión de licencias.

1.- As solicitudes de licenza deberán ser obrigatoriamente formuladas polo club ao que se vincule o interesado ou os seus representantes legais, a través dos modelos específicos establecidos pola Federación Galega de LOITA e D. A. para cada tipo de solicitude, que serán de acceso libre a través da páxina web da federación.

2.- O prazo de solicitude de licenzas para cada tempada iníciase o 1 de Outubro do ano en vigor e conclúe o 30 de Setembro do ano seguinte.



3.- As solicitudes de licenzas presentadas por entidades deportivas deberán selo obrigatoriamente por medios electrónicos¹⁰.

4.- As solicitudes de licenzas para menores de idade deberán ser subscritas polos proxenitores, titores ou institución que exerzan a súa representación legal.

5.- A tramitación das solicitudes compételle ao persoal laboral federativo.

6.- Calquera solicitude que adoecece dalgún requisito emendable dará lugar ao requirimento ao interesado para que, nun prazo de dez días hábiles, emende a falta ou acompañe os documentos preceptivos. Se o interesado non emendase os defectos advertidos no referido prazo, teráselle por desistido da súa solicitude.

7.- A resolución sobre concesión ou denegación de licenzas compételle o Presidente da Federación.

8.- As solicitudes de licenzas deberán ser emitidas e postas ao dispor do solicitante ou, no seu caso, denegadas de forma motivada, no prazo máximo dun mes para contar desde o seguinte á entrada na Federación da solicitude debidamente formalizada.

9.- O cómputo do prazo referido no apartado anterior suspenderase polo tempo que medie, no seu caso, entre o requirimento de corrección de defectos e o seu efectivo cumprimento polo interesado.

10.- Calquera solicitude de licenza entenderase outorgada se non se notifica resolución expresa no referido prazo máximo indicado no apartado oitavo do presente artigo. Con todo, serán nulas as licenzas obtidas por silencio por quen careza dos requisitos esenciais para a súa obtención.

11.- Contra a denegación expresa da licenza solicitada ou contra a denegación da entrega do documento xustificativo da obtención de licenza por silencio positivo, caberá recurso ante o Comité Galego de Xustiza Deportiva no prazo dun mes, previo esgotamento da vía federativa mediante impugnación ante o Comité de Recursos/Comité Xurisdiccional a interpoñer no prazo de 15 días naturais.

Artigo 17.- Anulación de licenzas.

1.- Serán causa de anulación das licenzas concedidas:

- a) A falsidade nos datos facilitados para a súa obtención.
- b) Incorrer en duplicidade de licenza, vinculándose a máis dun club, nese caso será anulada a licenza máis recente.
- c) Incorrer en incompatibilidade entre dúas ou máis licenzas de acordo co previsto no presente regulamento.
- d) Ter sanción en firme por dopaxe.
- e) Ter sanción en firme, por incumplir o regulamento de disciplina e de réxime interno da federación.

¹⁰ So se permiten as tramitacións por mail: licencias@fegaloita.es por correo postal e/ou de xeito presencial.



2.- O procedemento de anulación de licenzas poderá iniciarse de oficio ou por denuncia e na súa tramitación que correrá a cargo do persoal laboral federativo, do Secretario da Federación e deberá garantirse a audiencia do interesado por un período de dous días hábiles.

3.- A resolución anulando ou mantendo a eficacia da licenza compételle o Presidente da Federación e fronte á mesma caberá recurso ante o Comité Galego de Xustiza Deportiva no prazo dun mes previo esgotamento da vía federativa mediante impugnación ante o Comité de Recursos/Comité Xurisdiccional a interpoñer no prazo de 15 días naturais.

Artigo 18.- Protección de datos persoais.

1.- A recollida, tratamento, cesión e calquera acto análogo respecto dos datos persoais das licenzas federativas axustarase ás disposicións vixentes en materia de protección de datos de carácter persoal.

2.- A finalidade da recollida e tratamento dos datos persoais achegados coas solicitudes de licenzas de persoas físicas é a de tramitar e xestionar as licenzas federativas e habilitar a participación de tales persoas nas actividades federadas.

3.- Os datos obtidos unicamente serán cedidos e transferidos a entidades e organismos imprescindibles para poder levar a cabo as finalidades derivadas do exercicio das facultades inherentes á licenza durante o tempo en que o interesado permaneza integrado na organización federada, coas garantías establecidas na normativa en materia de protección de datos e sen prexuízo dos dereitos que lle asistan esta materia.

Artigo 19.- Importe das licenzas

1.- O importe das licenzas será o fixado para cada tempada pola Asemblea Xeral da Federación Galega de LOITA e D. A. para cada especialidade¹¹, estamento ou categoría.

2.- No caso de que calquera importe fose anulado por acto administrativo ou resolución xudicial entenderase aplicable o anterior importe en vigor para o devandito tipo de licenza.

Artigo 20.- Soporte e contido das licenzas

1.- As licenzas federativas emitiranse en soporte físico¹²

2.- O formato das licenzas federativas é o recolleito no Anexo II do presente regulamento.

3.- No documento da licenza, ademais dos conceptos económicos que resulten obrigatorios no caso das licenzas que permitan a participación en ámbitos superiores ao autonómico, deberán consignarse claramente os seguintes datos:

- a) O selo, logotipo e denominación da Federación Galega de LOITA e D. A.
- b) Duración da licenza.
- c) Nome e apelidos da persoa titular.
- d) Data de nacemento da persoa titular.
- e) Especialidade deportiva.

¹¹ Se procede

¹² Papel, electrónico, mixto... (Preferentemente electrónico)



FEDERACIÓN GALEGA DE LOITA e DA

SOLICITUDE DE LICENZA



XUNTA DE GALICIA

PRESIDENCIA

Secretaría Xeral para o Deporte



FUNDACIÓN
DEPORTE
GALEGO

- f) A entidade deportiva a cal se vincula o titular durante o período de duración da licenza.
- g) Categoría e estamento.
- h) Dereitos federativos. Este contido poderá ser substituído pola súa remisión mediante ligazón ao desenvolvido con máis extensión en determinado apartado da páxina web federativa.
- i) O seguro obrigatorio de asistencia sanitaria, cando se trate de persoas físicas. Tratándose de deportistas en idade escolar, no caso de que o importe do seguro sexa subscrito pola Xunta de Galicia, na licenza deberá figurar expresamente que “o seguro deportivo é abonado integramente pola Xunta de Galicia”.

4.- As licenzas que habiliten para a participación en actividades ou competicións de ámbito estatal deberán reflectir polo menos en lingua española os datos correspondentes.

Disposición Final.- Entrada en vigor.

O presente regulamento entrará en vigor a partir da súa aprobación pola Administración deportiva autonómica.